



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones à Clemente X. & Innocentio XI. editas

Luxemburgi, 1739

LXXXV. Ne Fratres Trinitarii habeant imagines B. Petri Paschasii eorum
habitu depictas.

[urn:nbn:de:hbz:466:1-74708](https://nbn-resolving.org/urn:nbn:de:hbz:466:1-74708)

poenitere dicta electionis ab ipsis facta die 23. Augusti 1661. de Persona prefati Guillelmi Humberti a Praecipiano in Decanum dictae Metropolitanae Ecclesiae Bisuntin., eamque electionem, uti a Sede Apostolica damnata, damnare, & reprobare, ac quantum in ipsis est illam, omniaque contra Sedis Apostolicae iussa inde secuta retractare, ac polliceri, & jurare, se eundem Guillelmum Humbertum nunquam agnituos in legitimum Decanum, sed pro tali habituros memoratum Joannem de Watteville a Sede Apostolica legitime provisum de dicto Decanatu, ac proinde sibi pariter de absolutionis beneficio, & dispensationis gratia, in praemissis a Nobis provideri summopere desiderent:

Benignitas Sedis Apost.

§. 2. Nos qui illius vices gerimus in terris, cuius proprium est misereri semper, & parcere, attendentes, quod dictae Sedis Apostolicae copiosa benignitas filiis post excessum ad matris charitatem cum humilitate recurrentibus gremium minime claudere, sed eos obvisis ulnis amplecti consuevit, ac proinde eisdem exponentes specialis favore gratia prosequi volentes, & eorum singulares personas a quibusvis excommunicationis, suspensionis, & interdicti, aliique Ecclesiasticis sententiis, censuris, & poenis, a iure, vel ab homine quavis, praeterquam praemissorum occasione, vel causa latis, si quibus quomodolibet innodatae existunt, ad effectum praemissorum dumtaxat consequendum harum serie absolventes, & absolutos fore censentes, supplicationibus eorum nomine Nobis super hoc humiliter porrectis inclinati, Fraternalitati tuae per praesentes committimus, & mandamus, ut confitto Tibi de narratis, eisdem Joannem Baptistam Sauvage, & Franciscum Perinet, si hoc a Te humiliter petierint, imposita eorum singulis pro praemissis arbitrio tuo aliqua poenitentia salutari, ac facta prius per eos coram Te declaratione poenitentiae de dicta electione per eos, ut praefertur facta, ipsaque electione cum omnibus inde contra dictae Sedis Apostolicae iussa secutis damnata, reprobata, & quantum in ipsis fuerit retractata; necnon praestito per eos in manibus tuis juramento, quod praefatum Guillelmum Humbertum a Praecipiano in Decanum dictae Ecclesiae Bisuntin. nunquam agnituos, sed dictum Joannem de Watteville pro legitimo Decano ejusdem Ecclesiae agnituos sint, confectoque super his publico Instrumento, quod tuo sigillo clausum, & obsignatum ad Nos, & hanc S. Sedem quam primum transmitti debeat; ab excommunicatione, ac suspensione, ab executione Sanctorum Ordinum, & ab exercitio quorumcumque Officiorum, ac privatione vocis activae, & passivae, & omnium fructuum eorum Praebendarum, & aliorum Beneficiorum Ecclesiasticorum, ac quotidianarum etiam distributionum, aliiisque sententiis, censuris, & poenis Ecclesiasticis, quas propter praemissa quomodolibet incurrerunt, auctoritate nostra Apostolica arbitrio pariter tuo in utroque foro absolvas, & totaliter liberes, dictasque poenas, necnon fructus, & distributiones huiusmodi per eos propter eadem praemissa forsan indebite perceptos, ita tamen ut fructus quidem, qui juxta praefatarum Alexandri praedecessoris literarum dispositionem in pauperum elemosynas distributi, & erogati fuerint, distributiones vero, quae ceteris Ecclesiae deservientibus acciperent, & inter eos etiam distributa reperirentur, repetere nullo modo possint, eis, & eorum cuilibet dicta auctoritate gratiose remittas, & condones.

Absolutio a Censuris ad effectum praemissorum dumtaxat consequendum.

Committit Archiepiscopo Bisuntino eorum absolutionem, & sub qua forma.

Condonatio fructuum, & distributionum, prout in rubrica.

Dispensatio super irregularitate hac occasione contracta.

§. 3. Ac cum eis, & eorum quolibet super irregularitate per eos qui a censuris huiusmodi propter praemissa innodati, Sacrosanctum Missae Sacrificium, & alia divina Officia celebraverunt,

& alias in Ordinibus suis ministrarunt, quomodolibet contracta, itaut illa, & iisdem praemissis non obstant., dummodo nullum aliud canonicum eis obster impedimentum, clericali characteri, quo alias rite insigniti fuerunt, illiusque privilegii, ac susceptis per eos pariter alias rite minoribus, & sacris, etiam Presbyteratus Ordinis uti, & quatenus illos nondum susceperint, ad illos, si ad id idonei reperiantur, servatis alias servandis, promoveri, & promoti in illis, etiam in Altaris ministerio ministrare libere, & licite possint, & valeant respective, ac ad alium quemcumque effectum, etiam specifica, & individua mentione, & expressione dignum, auctoritate, & arbitrio praefatis dispenses, omnemque inhabilitatis, & aliam quamcumque maculam, sive notam contra eos ex praemissis quomodolibet insurgentem, seu resultantem ab eis, eorumque quolibet penitus, & omnino abstergas, & aboleas: Nos enim quamcumque necessariam, & opportunam ad praemissa facultatem Tibi harum serie eadem auctoritate tribuimus, & impertimur.

§. 4. Non obstantibus praemissis, necnon omnibus, & singulis illis, quae in praefatis Alexandri Praedecessoris, & Nostri respective concessa sunt non obstar, ceterisque contrariis quibuscumque.

§. 5. Ceterum non intendimus per praesentes literas cuiquam eorum, qui a praefatis Joanne Baptista, & Francisco Canonicis earumdem praesentium vigore absolventis, seu eorum aliquo ex causa, seu electionis supradictae, seu eorum quae inde secuta sunt, aut emeruerint, aliquo damno, vel detrimento affecti fuerint, ullum, etiam minimum, praedictum inferre, aut inde quoquomodo inferri posse, sed unicumque jura sua salva, & illata remanere declaramus.

Datum Romae apud S. Mariam Majorem sub Annulo Piscatoris die 19. April. 1675. Pontificatus nostri Anno Quinto.

I. G. Slusius.

Registr. in Secr. Brev. in lib. 5. diver. fol. 267.

Confirmatio Decreti Congregationis SS. Rituum ne liceat Fratibus Trinitariis Redemptionis Captivorum habere Imagines cum eorum habitu depictas, vel sculptas B. Petri Paschasi Martyris Ordinis B. Mariae de Mercede Redemptionis Captivorum.

CLEMENS PAPA X.

Ad futuram rei memoriam.

Nuper ad instantiam dilecti filii Mathiae de Cordona Vicarii, & Procuratoris Generalis Ordinis Fratrum Beatae Mariae de Mercede Redemptionis Captivorum Congregatio Venerabilium Fratrum nostrorum S. R. E. Cardinalium Sacris Ritibus praeposita decretum edidit tenoris, qui sequitur, videlicet: Valentina Censurarum, & picturarum pro parte, & ad instantiam Patris Magistri Fratris Mathiae de Cordona Vicarii, & Procuratoris Generalis Ordinis Beatae Mariae de Mercede Redemptionis Captivorum, tam nomine proprio, quam suae Religionis instatum fuit apud Sac. Rituum Congregationem pro relaxatione Censurarum contra Patres Conventus Ordinis Sanctissimae Trinitatis Redemptionis Captivorum Civitatis Valentiae, eo quod habuerunt recursum ad Iudices laicos Tribunalis Valentiae, & ab eo inhibitionem extorcerunt contra praedictos Patres de Mercede ad impediendum ne isti uterentur decretis ejusdem Sacrae Congregationis, & Brevibus Aposto-

Ab eis omnem inhabilitatis, & aliam quamcumque maculam abstergat.

Per praesentes literas non intendit praedictare eis, qui a Canonicis absolventis aliquo damno affecti fuerunt.

Dat. 19. April. 1675. An. 5.

LXXXV.

Exordium ab instantia Frat. B. Mariae de Mercede Redemptionis Captivorum.

licis pro celebratione diei Festi Beati Petri Paschafii Martyris olim Episcopi Giennen., & Religiosi Professi Ordinis de Mercede depicti, & sculpti a prefatis Fratribus Trinitariis in eorum habitu.

Contraria instantia Fratr. Trinitariorum.

§. 1. Et viceversa supplicantiibus Patribus Trinitariis prefatis (absolutis prius a censuris & penis Ecclesiasticis quibuscumque propter recursum habitos ad Iudices laicos) pro concessione literarum Remissorialium, & Compulsorialium ad effectum ser. ser. examinandi Testes, & compulsi scripturas, tam respectu possessorii, quam petitorii, & probandi Beatum Petrum Paschafium predictum fuisse filium Religionis Trinitariae, & alias latius, prout ex rationibus tam in facto, quam in Jure ab utraque parte hinc inde plene informante allegatis deductis, atque discussis proponente Eminentissimo, & Reverendissimo D. Cardinali Portocarrero:

Decretum Congregationis SS. Rituum.

§. 2. Et eadem Sacra Congregatio inhærendo decretis alias in causa predicti Beati editis tertia Septembr. 1661., & trigesima Maji 1670. censuit literas Remissoriales non esse concedendas, & picturas dicti Beati Petri Paschafii depictas, & sculptas a predictis Fratribus Trinitariorum in horum habitu esse delendas, & ita declaravit, atque decrevit die trigesima Martii 1675. V. Episcopus Portuen. Cardinalis Carpinus loco ✠ Sigilli.

Preces Procuratoris Generalis Ordinis B. Mariae de Mercede Redemptionis Captivorum.

§. 3. Cum autem sicut dictus Mathias Procurator Generalis Nobis subinde exponi fecit ipse Decretum hujusmodi, quo firmius subsistat, & servetur exactius, Apostolica nostrae confirmationis patrocinio communitri summopere desideret: Nos ipsius Mathiae Procuratoris Generalis votis hac in re quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & penis, a jure, vel ab homine quavis occasione, vel causa latis, si quibus quomodolibet innodatus existit ad effectum praesentium dumtaxat consequent. harum serie absolventes, & absolutum fore censentes, supplicationibus ejus nomine Nobis super hoc humiliter porrectis inclinatis, Decretum praesertim auctoritate Apostolica tenore praesentium approbamus, & confirmamus, illique inviolabilis Apostolicae firmitatis robur adjicimus salva tamen semper in praemissis auctoritate praefatae Congregationis Cardinalium.

Absolutio a Censuris.

Confirmatio Apost. supra dicti Decreti salva tamen auctoritate ejusdem S. Congregationis.

Decretum irritans.

§. 4. Decernentes easdem praesentes literas firmas, validas, & efficaces existere, & fore, suoque plenarios, & integros effectus fortiri, & obtinere, ac ab illis ad quos spectat, & pro tempore spectabit inviolabiliter observari. Sicque in praemissis per quoscumque Iudices Ordinarios & delegatos, etiam causarum Palatii Apostolici Auditores judicari, & definiti debere; ac irritum, & inane si secus super his a quoquam quavis auctoritate scienter, vel ignoranter contigerit attentari.

Contrarium derogatio.

Transumptio fides.

§. 5. Non obstantibus Constitutionibus, & Ordinationibus Apostolicis, ceterisque contrariis quibuscumque.

§. 6. Volumus autem, ut earundem praesentium literarum transumptis, seu exemplis etiam impressis manu alicujus Notarii publici subscriptis, & sigillo personae in Ecclesiastica dignitate constitutae munitis, eadem prorsus fides in judicio, & extra adhibeatur, quae praesentibus ipsis adhiberetur si forent exhibitae, vel ostensa.

Dat. 20. Apr. 1675. An. 5.

Datum Romae apud S. Mariam Majorem sub Annulo Piscatoris die 20. Aprilis 1675. Pontificatus nostri Anno Quinto.

I. G. Slufius.

Statutum; ut in Congregatione Cassinen. Monachorum Ordinis S. Benedicti omnino serventur Constitutiones, & literae Apostolicae circa promotiones ad Abbantias titulares, ac Decanatus gradum; necnon Decanorum numerum, & promovendorum qualitates de cetero exacte, & inviolabiliter observari debere; nec expectativas ad Prioratus, & Abbantias aliasque dignitates, vel gradus dictae Congregationis primo vacaturos cuiquam posthac nullo modo concedi posse.

CLEMENS PAPA X.

Ad futuram rei memoriam.

IN supremo militantis Ecclesiae folio meritis licet imparibus, per ineffabilem Divinae Clementiae abundantiam constituti, ad ea peculiares vigilantiae Nostrae curas propensis studiis convertimus, per quae prospero, felicique religiosarum Congregationum; earum praecipue, quae priscae Disciplinae Monasticae splendore conspicuae, multiplicibus in Ecclesiam Dei meritis fulgere noscuntur, regimini, atque progressui consulitur; ut radicitus evulsis, quos insana honorum cupiditas invenit; abusibus, Congregationes ipsae laudabilibus suis institutis firmiter insistentes, illibatam antiquae observantiae gloriam servant, & bono Christi odore de bona conversatione flagrantes, laetis in dies Domino benedicente proficiant incrementis.

Exordium.

§. 1. Cum itaque (sicut accepimus) licet per Constitutiones Congregationis Cassinen. Monachorum Ordinis S. Benedicti Apostolica auctoritate confirmatas caveatur expresse, ne quis eligi possit in Abbatem cum solo titulo, nisi prius fuerit Abbas cum regimine, vel saltem Prior Clausuralis, qui per expletum quinquennium in Prioratus regimine se laudabiliter gesserit, & per quosdam fel. recor. Pauli Papae V. Praedecessoris Nostri literas die 14. Septembris 1620. expeditas praescriptus fuerit Decanorum ejusdem Congregationis numerus, ut scilicet pro quinque Monachis professis unus Decanus, computatis Cellariis, ac Novitiorum Magistris, Confessariis Monialium, ac Doctoribus, aliisque Officialibus assignaretur, itaut ipsi Decani numerum trecentorum non excederent, ac per easdem Constitutiones expresse quoque prohibitum reperitur, ne ullus Monachorum possit ad Decanatum (qui primus est superioris gradus) promoveri, nisi decimum sextum annum in Congregatione praefata compleverit, neque in Decanos hujusmodi eligi, seu assumi possint, de quorum doctrinae sufficientia, & vitae merito non constet per Testimonium a Visitatoribus medio eorum juramento coram Diffinitoribus in Capitulo Generali ferendum, praviis quoque literarum scientiam in actu Visitationis diligenter examine, & quoad morum probitatem exacta inquisitione prout statuitur in literis rec. mem. Clementis Papae VIII. Praedecessoris pariter Nostri die 6. Mart. MDXCIII. & dicti Pauli praedecessoris die xxi. Martii 1608. respective in simili forma Brevis emanatis, ac pravia etiam attestazione de hujusmodi vitae integritate, & sufficientia per Praelatum, qui pro tempore praerit Monasterio professionis promovendi, in Diffinitorio cum juramento facienda.

Constitutiones Cassinenses quoad Electiones Abbatum Titularium.

Paul. V. praescripsit numerum Decanorum in d. Congreg. Cassinen.

Per dd. Constitutiones, & literas Apost. Clem. VIII. & Pauli V. in praefata Congreg. qui possint eligi, vel assumi in Decanos.

§. 2. Nihilominus nonnulli ejusdem Congregationis Monachi propriae professionis, quae eos in humilitatis spiritu continere deberet, immemores, ac censuras, & penas per quandam Constitutionem Apostolicam, qua dictae Congregationis Monachis ambitus districte prohibetur, inflicta, damnabiliter incurere minime

Ambitus Monachis d. Congregationis districte prohibetur.